



UNIVERSITÄTS-
BIBLIOTHEK
PADERBORN

Universitätsbibliothek Paderborn

Methodus Clara Et Facilis Vacandi Orationi mentali Atque Exercendi se cum fructu in præsentia Dei

Coloniæ Agrippinæ, 1687

Caput VIII. De aliis noctis exercitiis.

[urn:nbn:de:hbz:466:1-46004](https://nbn-resolving.org/urn:nbn:de:hbz:466:1-46004)

Psal. 118.
103.

dicens cum Davide : *Quam duleia faucibus
meis eloquia tua ! super mel ori meo !* Affici-
tur ac movetur in corde illis , quæ pronun-
ciat : atque si quando naturali levitate animo
distrahitur, id modico durat tempore, etenim
ad devotionem & attentionem revocare se
ipsum consuevit , quoties dicitur *Gloria Pa-
tri &c.*

In fine Officii.

„ Suscipe, & acceptum habere dignare, Do-
„ mine Deus , hoc officium, quod ad æter-
„ nam tuam laudem jam nunc decantavi: ob-
„ secro te, ut accipias omnes orationes illas
„ quas Dominus noster Jesus Christus un-
„ quam ad te fecit, ut illis suppleatur & satis-
„ fiat pro cunctis defectibus, quos ego hic ad-
„ misi , atque ut cuncta ad majorem tuam
„ gloriam, atque animæ meæ cedant salutem,

CAPUT VIII.

De aliis noctis exercitiis.

Illa sunt 1. Orare devotè officium B. Virgi-
nis parvum. 2. Obire aliquas devotas Sta-
tiones coram Sanctissimo Sacramento, in sa-
cello beatissimæ virginis & alibi, juxta cujus-
que devotionem. 3. Brumali tempore se cale-
facere. 4. Præparare materiam pro oratione
mentali matutina.

*Directio pro recitatione officii
parvi B. Virginis.*

„ Domine Deus meus, qui me elegisti, ut
„ specialiter serviam Sanctissimæ matri tuæ
in

in hoc ei singulariter sacro ordine, te per
 Sanctissimam voluntatem illam, qua ipsam
 ab omnibus creaturis tuis dignissime hono-
 rari desideras, oro, ut hanc mihi gratiam
 modò concedas, ut tenera & reverenti pie-
 tate, qualem supremæ dominæ meæ debeo,
 hoc ipsius officium recitem. Tuque ò Sa-
 cratissima Virgo, quæ mea es liberatrix, quo-
 niam per te mundi pericula evasi, meque in
 singularem tutelam tuam recepisti, accipe
 honorem & modicum servitium, quod tibi
 exhibere constituo.

Stationes piæ post Matutinas.

Istud devotionis exercitium illis, qui corde
 pio illud obeunt, multas gratias, ac specialiter
 orationis, conciliat.

Preces in hujusmodi Stationibus funden-
 dæ cujusvis permittuntur optioni: actus ta-
 men præcipui sunt adorationis, gratiarum
 actionis atque ad Christum Jesum in Sanctif-
 limo Sacramento orationis, ad Virginem Sa-
 cratissimam laudis atque invocationis. Reci-
 tari hic poterunt devotæ quædam litanæ,
 prosæ, hymni aut aliæ pulchræ preces,
 quales sunt illæ, quæ continentur in operi-
 bus devotissimi P. Blossii & aliorum quorun-
 dam ejusdem Spiritus Authorum, quorum
 simplex & affectivus stylus interiorem animis
 præbet saporem ac gustum, eosque sensim ad
 veram recollectionem perducit. Aliquas qui-
 libet pro gustu suo selectas congerere ac me-
 moriæ mandare poterit, ut illis pro nata occa-
 sione, uti queat.

Frequentiustamen coram Altari primario dici solet Antiphona, versus & oratio de Sanctissimo Sacramento, quod teste D. Thoma, est amor amorum, & dulcedo omnium dulcedinum. Superaddi poterit ex missali sequens de sumpta oratio ad honoranda tormenta, humiliactiones ac Sanctissimam Passionem Domini nostri Jesu Christi, qui in eorundem memoriam Sanctissimum Sacramentum istud instituit, atque ista eorum commemoratio multo amplius meritoria erit, quam forent complures etiam cujusvis quantumvis heroicæ virtutis actus, uti Seraphicus auctor est Sanctus Bonaventura.

Devota Oratio.

Domine Jesu Christe fili Dei vivi, qui pro redemptione nostra nasci, & circumcidi voluisti: à Judæis reprobari, à Judæo osculo tradi, capi, ligari, & cum vinculis Annæ, Caiphæ, Herodi, & Pilato offerri, ac coram eis illudi, colaphis, alapis, flagellis, & arundine cædi, facie velari, sputis conspui, spinis coronari, à falsis quoque testibus accusari, à malis Judicibus judicari, & ut agnus innocens, crucem tuam ferendo, ad vitam duci, clavis perforari, felle & aceto potari, atque in crucem levari, inter latrones deputari, morte turpissima mori, & lancea vulnerari; tu, Domine, per has Sanctissimas pœnas, quas nos indigni famuli tui recolimus, & per sanctam crucem tuam libera nos à pœnis inferni, & perducere digneris nos miseros peccatores, quo perduxisti crucifixum tecum latronem pœnitentem. Qui vivis & regnas cum Deo Patre in unitate

Spiri-

*Spiritus Sancti Deus, per omnia secula seculo-
rum, Amen.*

In Sacello Beatissimæ Virginis.

Devotæ Salutationes.

Ave Maria, Filia Dei Patris.

Ave Maria, Mater Dei Filii.

Ave Maria, Sponsa Spiritus Sancti.

Ave Maria, Templum totius Divinitatis.

*Ave Maria, candidum liliū fulgida sem-
perque tranquilla Trinitatis.*

*Ave Maria, rosa præfulgida cœlicæ amœni-
tatis.*

*Ave Maria, virgo virginum, virgo fidelis,
de qua nasci & de cuius lacte pasci Rex cœlo-
rum voluit.*

*Ave Maria, Regina Martyrum, cuius ani-
mam doloris gladius pertransiuit.*

*Ave Maria, Domina mundi, cui data est
omnis potestas in cœlo & in terra.*

*Ave Maria, cordis mei Domina, Mater, vi-
ta, dulcedo & spes mea charissima.*

Ave Maria, Mater amabilis.

Ave Maria, Mater admirabilis.

Gratia plena, Dominus tecum.

Benedicta tu in mulieribus.

Et benedictus fructus ventris tui Iesus.

Et benedictus Sponsus tuus Ioseph.

Et benedictus pater tuus Ioaachim.

Et benedicta Mater tua Anna.

Et benedictus filius tuus Iohannes.

Et benedictus angelus tuus Gabriel.

Et benedictus Pater aternus qui te elegit.

Et benedictus Filius, qui te amavit.

Ee 3

Et

438 SPIRITUS ACTIONUM

Et benedictus Spiritus Sanctus, qui te Sponsavit.

Et benedicti in aeternum omnes, qui benediciunt tibi & diligunt te.

Ad Dominum nostrum & Sanctissimam Virginem simul.

Miserere mei, pie Jesu: consolare me Maria, Mater Dei humillima. Auferte à me quidquid oculis vestris displicet. Commendo me nunc & in hora mortis meae. Ecce Domine mi, ego resigno me totum in tuum beneplacitum: fiat semper in me, & de me gratissima voluntas tua. Efficice me hominem secundum cor tuum: redde me tibi placentem: da mihi, ut diligam te toto corde, tota anima, tota virtute, Amen.

O Domina mea, ora pro me misero peccatore. Impetra mihi cor secundum cor Dei. Impetra purum amorem erga Filium tuum & ergate. Amen.

Alia oratio ad beatissimam Virginem.

Memorare, o piissima Virgo Maria, non esse auditum à seculo quenquam ad tua currentem presidia, tua implorantem auxilia, tua petentem suffragia esse derelictum: Ego tali animatus fiducia ad te, virgo virginum, Mater, curro: ad te venio: coram te gemens peccator assisto: noli queso, Mater verbi, verba mea despiciere, sed audi propitia & exaudi. Amen.

Directio ante Calefactionem.

» Domine Deus meus, obedientia jubet, hic
» me ut calefaciam, idque levamenti recipiam,

De
Oratio

piam,
acerbi
rem p
tiam
viam,
tinea
lima,

Co
tra le
devo
ribus
dam
& eg
quat
ratis
dict
cor
C
ma
ad f
pert
& p
ctu
nol
der
fo &
run
mil
coe
mi

piam, cum tamen quavis indignus quiete, ,,
 acerbiore pœna suscepta eluere mea debe- ,,
 rem peccata. Hanc mihi, si placet, oro, gra- ,,
 tiam concede, ut meæ sensualitati ne ser- ,,
 viam, sed intra limites necessitatis me con- ,,
 tineam. Eandem gratiam, Virgo gloriosis- ,,
 sima, te oro.

*Animi interius inter calefacien-
 dum colloquium.*

Cogitando ardores ignis infernalis dicet in-
 tra le: *quis poterit habitare de vobis cum igne 1/Isai. 33.*
devorante? quis habitabit ex vobis cum ardo-
ribus sempiternis? Ea tamen infelicissimorum
 damnatorum fors miserrima est. Verùm illam
 & ego æque atque ipsi, imò multò amplius,
 quam plures ex ipsis, peccatis meis scœpius ite-
 ratis promerui, atque si flammis illis reverà ad-
 dictus non sum, infinitæ id Dei in me miseri-
 cordiæ tribuere habeo.

Cogitando de Martyrum ignibus: Ani- ,,
 ma mea, nunquid comparati nos essemus ,,
 ad subeunda similia illis, quæ generosi illi ,,
 pertulerunt Christiani? Nunquid pro Deo ,,
 & pro fide vel aliquem istius ignis conta- ,,
 ctum perferre vellemus? Heu! quanta ,,
 nobis causa est nos deprimendi & confun- ,,
 dendi! attentâ ignaviâ nostrâ cum genero- ,,
 so & constanti magnorum illorum sancto- ,,
 rum amore comparatâ. Interea quia eadem ,,
 mihi fides, idemque Deus est, quia eandem ,,
 cœli gloriam spero, atque animam haud ,,
 minus pretiosam salvare habeo, nunquid ,,

„æque atque ipsi ad subeundum Martyrium
 „esse meritò deberem comparatus?

Morale documentum ex ignis operatione
 „hauriendo dicet: Itane verò ad materialem
 „ac sensibilem ignem istum approximat
 „corpora gelu stupentia excitat & concale-
 „facit, atque nos tamen Deo, qui multo vi-
 „vacior, quia *Deus noster ignis consumens*,
 „est, approximantes adeò parum illius persen-
 „tiscamus effectus; Ubi quælo fervor est,
 „quo succensus ire deberem ab oratione? ubi
 „ardores, quibus à sacra communione ex-
 „astuare me oporteret.

*Elevatio mentis ad Deum lectioni medi-
 tationis materia premittenda.*

„Aperi, Domine, mentem meam materia,
 „quam lecturus sum, ut durante oratione cum
 „divina occupare me possim tua Majestate.
 „Etenim hic tu nisi egeris inde ego elicere ni-
 „hil potero; sed gratiam illam mihi con-
 „cede, ut ædificationi meæ accommodatio-
 „ra, atque quibus amplius me movere atque
 „ad serviendum tibi inflammare tibi placu-
 „erit, cuncta observem: Illam per merita &
 „intercessionem beatissimæ ac gloriosissimæ
 „Virginis te oro.

CAPUT IX.

Exercitia temporis matutini.

Somno excitatus ubi quis fuerit i. Signo
 crucis se muniens in genua provolutus
 Deum adorabit dicens: *benedicta sit sancta*

& in-